



1043/24

09-04-2024

JAVNO PREDUZEĆE ŽELJEZNICE FEDERACIJE BOSNE i HERCEGOVINE  
društvo sa ograničenom odgovornošću SARAJEVO  
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT:PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN:BA39+1020500000088171 SWIFT:UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-5843-1-4.6./2024  
Datum: 05.04.2024.godine  
Mjesto: Sarajevo

Na osnovu člana 70. stav (4), a u vezi sa članom 69. stav (2) pod d) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije, broj: 22091-1-1/2023 od 01.04.2024. godine, Uprava Društva na 9. sjednici, održanoj dana 05.04.2024. godine donijela je

**O D L U K U**  
o poništenju postupka javne nabavke

**I**

Poništava se otvoreni postupak javne nabavke roba – rezervni dijelovi za električne lokomotive - dijelovi za PJUT i GEMP, tender broj: UD-22091-1/2023.

**II**

Postupak se poništava na osnovu člana 69. stav (2) pod d) Zakona o javnim nabavkama ("Službeni glasnik BiH" broj: 39/14 i 59/22).

**III**

Za realizaciju ove Odluke zadužuje se Sektor za nabavke i prodaju.

**IV**

Ova Odluka stupa na snagu danom donošenja.

**O b r a z l o ž e n j e**

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-21979-1-13.15./2023 od 22.12.2023. godine odobrila pokretanje otvorenog postupka javne nabavke roba – rezervni dijelovi za električne lokomotive - dijelovi za PJUT i GEMP, tender broj: UD-22091-1/2023.

Rješenjem Predsjednika Uprave - Generalnog direktora, broj: 1-22622-1/2023 od 28.12.2023. godine, imenovana je Komisija za nabavke (u daljem tekstu: Komisija) koja je provela predmetni postupak javne nabavke.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Obavještenje o nabavci je objavljeno na portalu javnih nabavki dana 14.02.2024. godine pod brojem: 1050-1-1-38-3-28/24. Sažetak obavještenja o nabavci objavljen je u „Sl. glasniku BiH“ broj: 14/2024 od 23.02.2024. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22) (u daljem tekstu: Zakon), Komisija je dana 18.03.2024. godine u 12:00 sati, izvršila javno otvaranje ponuda. Do roka određenog za prijem ponuda, blagovremeno je zaprimljena 1 (jedna) ponuda, i to:

1. Ponuda ponuđača „**KONČAR-ELEKTRIČNA VOZILA**“ d.d. Zagreb koji je ponudio sljedeće:

- Cijenu: 92.032,00 eura bez PDV-a.
- Uslovi i način plaćanja: 30 dana od dana uredno zaprimljene fakture,
- Rok isporuke: 90 dana, osim za stavku 2. za koju je rok 365 dana, od dana uredno ispostavljene narudžbenice dobavljaču.

Komisija je izvršila pregled i ocjenu pristigle ponude, te utvrdila sljedeće:

Ponuda ponuđača „**KONČAR-ELEKTRIČNA VOZILA**“ d.d. Zagreb je ocijenjena neprihvatljivom i nepravilnom na osnovu člana 2. stav (1) tačka 1) pod 2) i 3) Zakona iz sljedećih razloga:

- U ponudi nije dostavljena Izjava na memorandumu ponuđača ovjerena potpisom i pečatom ponuđača i ovjerena kod nadležnog organa (notar, organ uprave i dr.) kojom se potvrđuje da ponuđač se ne nalazi niti u jednoj od situacija određenih članom 45. stav (5) tačke a) do e) Zakona, tražena u dijelu tenderske dokumentacije, uslovi za kvalifikaciju.
- Listovi ponude nisu parafirani niti potpisani od lica ovlaštenih za zastupanje ponuđača, a što je traženo tačkom 16.5 tenderske dokumentacije, koja glasi: „Svi listovi ponude, osim neizmijenjene odštampane literature, trebaju parafirati ili potpisati lica koja su ovlaštena da zastupaju ponuđača. Ako ponuda sadrži štampanu literaturu, brošure, kataloge, administrativni dokumenti sa numeracijom i sl. koji imaju izvorno numerisane brojeve, onda se ti dijelovi ponude ne moraju dodatno numerisati.“
- U ponudi nije dostavljena Izjava ponuđača koja je trebala biti na memorandumu ponuđača, opečaćena i potpisana od strane ponuđača da isti na bilo koji način ne narušava tržišnu konkurenciju u smislu zabranjenih dogovora sa drugim ponuđačima u predmetnom postupku, a koja je tražena tačkom 3.4. tenderske dokumentacije.
- U ponudi nije dostavljena Izjava ponuđača na memorandumu ponuđača potpisana i opečaćena od strane ponuđača kojom se potvrđuje da ponuđač ukoliko mu bude dodjeljen ugovor po ovom postupku javne nabavke neće zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora, a koja je tražena tačkom 3.5. tenderske dokumentacije.

Obzirom da ponuda ponuđača „**KONČAR-ELEKTRIČNA VOZILA**“ d.d. Zagreb nije potpuna i ne ispunjava zahtjeve iz tenderske dokumentacije, ista se na osnovu člana 68. stav (4) tačka i) Zakona odbacuje kao neprihvatljiva.

Cijeneći gore navedeno, a nakon pregleda ponude, Komisija je utvrdila da nisu ispunjeni zakonski uslovi za nastavak postupka i dodjelu ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo dala preporuku Upravi Društva za donošenje Odluke o poništenju postupka javne nabavke roba – rezervni dijelovi za električne lokomotive - dijelovi za PJUT i GEMP, tender broj: UD-22091-1/2023, na osnovu člana 69. stav (2) pod d) Zakona, jer primljena ponuda ponuđača nije prihvatljiva.

Nakon provedenog postupka, te Zapisnika o pregledu i ocjeni ponuda sa preporukom Komisije, broj: 22091-1-1/2023 od 01.04.2024. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznički operator,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđač,
- Uz Zapisnik,
- a/a.

VD Predsjednika Uprave – Generalnog direktora



Enis Dzafić, mr.ecc